

## ESAU ANYAM ITIE-AKPAN ESIE ỌNỌ JACOB

Genesis 25:27-34; 27:1-40

ỌYỌHỌ UKPEP-ŃKPỌ 22 – Eke Mkpawara

**IKỌ IBUOT:** “Enyin Jehovah edu ke kpukpru ebiet, ese mme idiok owo ye nti” (Mme Ẹke 15:3).

Abraham ama oduń ke esisit ini ke Haran. Ndien ke ini enye okoyomde ńwan ọnọ Isaac, eyen esie, enye ama ọdọń eyen ufok esie ete aka ke oruk esie man ekemek enye. Eyen-ufok oro ama obup Abasi ete ada imọ usuń man ikeme ndimek eti eyen-ańwan, ndien Rebekah ama ekem ke kpukpru se ekeyomde. Rebekah ama ebieri ndika ison emi Abraham ye Isaac ekedunde; ndien enye ama akabare edi ńwan Isaac.

### Edikpeme Ndid Edisana

Isaac ye Rebekah ema enyene ndito amana-iba iren, edi mmọ ikedighe ukem-ukem. Esau, emi ekedide akpa eyen, akama ndidu ke ikot nnyun mbiat ini esie ke nditop utop, ke ini Jacob akamade nditie ke ufok nnyun ntọ inwan. Usen kiet, ke ini Esau okonyonde utop esie, biọń ama ọdọń enye, idem onyun emem enye. Enye ekekere ete ke biọń omọń owot imọ edieke enye midiaha udia ke ini oro, ke ntre, enye ama ebeńe Jacob ekpri udia esie. Oro edi ńkari emi asua ukpon nnyin enyenede: enye eyetiń ọnọ owo ete ke enye enyene ndinam ńkpọ usọp-usọp, ke ntre ifet iduhe nditiń nnọ Abasi mme ńkpọ oro enen mme inenke. Jesus oyom nnyin ida ini ibet Abasi inyun itim ifiok ite ke se nnyin inamde asana ekekem ye uduak Esie. Esau ikpekakpaha ke hour kiet oro enye akpakadade anam udia esie.

### Nson Urua Ediom

Ke ini eyo mme ete nnyin, akpa eyen-eren ke ufok ekenyene ndida udeme inyene ete esie iba. Oro ekedi se ekotde itie akpan. Mme edidiọń efen ye utom eketiene itie akpan, ndien akpa eyen ekedi enye emi enyenede ndikara oruk esie ke ini ete esie akpade.

Jacob ama ofiok akpan ńkpọ emi esinede ke itie-akpan, ndien enye ama okut ifet ndida enye nnọ idem esie. Enye ama onwonon ndinọ. Esau udia okoti esie, edieke enye edinwonon ndinọ imọ itie-akpan esie. Esau ama ekere abana uwem esie ke ndo-ndo oro akan mme edidiọń esie ye mme utom emi odude ke iso; ndien Iko ọdọhọ ete, “Ntem ke Esau esin itie-akpan esie ke ndek.”

Emekeme ndikere ete ke oro ekedi ńkpọ ndik ndinam, afo ńko ukpekemeke ndisime ntre. Edi tre nyun kere ke esisit ini. Nnyin imenyene itie-akpan ńko. Jesus akakpa man anam nnyin inyene nsinsi uwem. Nnyin imekeme ndimana nduk ke ubon ndito Abasi oto ke Iyip emi Enye okoduokde, edieke nnyin inyimede. Edi ńwak-ńkan owo ifan esin itie-akpan oro, enyun esin erinyańa oto ke ntak ekpri idiok-ńkpọ ke uwem mmọ emi mmọ minyimeke ndisana nyak. Ediwak mkparawa ye ikpọ iban ewak ndikere ńkpọ ererimbot emi ekan itie-akpan mmọ. Ndusuk ini, ekpri erineńere ukwan-usun esibionnọ mmọ ndinyene itie-akpan mmọ. Nte oro okpon akan ndudue Esau ke udia okoti?

Ikoduhe se etińde ebańa itie-akpan Jacob ke ediwak isua.

### Ndisime Edinam Jacob

Ke ini Isaac ekekere ete ke ekem ini enye ndikpa, enye ama ọdọń ekekot Esau enọ enye man ọnọ enye akpa eridiọń. Enye ama ebeńe Esau ete aka okowot unam ke ikot onyun ada oro anam udia ọnọ imọ; ndien ke ini enye edidiade onyun okop uyuhọ eyediọń Esau. Rebekah ama okop etop emi, ndien nte enye okoyomde edidiọń emi etiene eyen ima esie, enye ama enyik Jacob man abiańa ete esie. Jacob ama anam ntre, edi enye ama ọbọ ufen eti eti tutu osim usen mkpa esie oto ke ntak abiańa esie.

Abasi ama onwonon ete ke Jacob ye Esau enyene ndidi mme ada iso nnọ mme idut, onyun osonon ete ke ebio owo eyenyun etie nte ofin eyenwonon. Abasi kpukpru ini esinanam uduak Esie osu, inyun iyomke unwan ito kpukpru se Enye obotde. Jacob ekeme ndikpekenyene udeme esie usọp-usọp edieke enye ekpebetde man Abasi anam uduak Esie. Nte ekedide, enye ama ọbọ ufen ke ediwak isua ke ndikpon ufok esie ńketie ikpon mbemiso enye okosim ebiet emi Abasi akadade enye anam ńkpọ.

Ekeme ndidi ke uduot Peter ama odu ke idem Jacob. Enye ama oyom ndinam uduak Abasi, edi ikamaha ndibet ini Abasi. Mbemiso okosim usen Pentecost, Peter kpukpru ini ama anam ndudue ke abana unana nsuhridem emi Jesus akasuade ọnọ enye. Edi ke ini odudu ama okodoro enye, enye ama akabare edi ada iso ke ufok Abasi, ndien enye ama osonon ada ke mme enwonon emi enye akanamde ọnọ Andinyańa emi enye

mikekemeke ndinam ke ini edem. Jacob, nte akade iso, ama akabare edi ete esien Israel 12 emi andinyaña okotode ke edikem ini.

### **Ebe Ini**

Ke ini Jacob ama ọkọbọ edidiọ, Esau ama ọnyọni edi ye udia esie emi enye akanamde ke idaresit ye idorenyin ndibọ mme edidiọ nto ete esie. Ke ini enye okokutde ete ke Jacob ama ebebem enye iso odu do, onyuni ọbọ edidiọ emi Esau ekekerede ete enyene imọ, enye ama atua ndot-ndot eyet. Ke ini emi enye akanyamde itie-akpan esie, enye ikofuhọke baba, edi ke ini enye ọduokde edidiọ esie, enye atua eyet. Kpa ukem ukem nkpo emi otibe ọnọ mme anam idiok. Mmọ itimke ikere ibani mme idiok-nkpo mmọ. Edi se nte mmọ etuade ke ini mme idiok-nkpo mmọ edade mmọ esin ke afanikoni! Mmọ ifuhọke koro enamde idiok, edi koro idiok-nkpo mmọ oyomde mmọ okut.

Ke Mme Hebrew 12:17 nnyin ikot: “Ke ukperedem, ke ini enye okoyomde ndibọ eridiọ nda, ekponre enye enim ke nkan kiet (enye ikonyuni ikwe ifet ndikabare esit), okposuk edi nte oyomde eridiọ oro ye mmoneyet.” Nnyin imokut mme mbiet nkpo emi ke Nwed Abasi nte mme owo enamde idiok edian Abasi ke anyan ini, inyuni inyeneke ini ndikabare esit. Nte uwut-nkpo, nditọ Egypt ema esin ndiyak nditọ Israel ekpon obio mmọ okposuk edi nte Abasi ama ọkọdọni nkposoni ufen ọnọ mmọ. Ke akpatre, ke ini mmọ ema eketoni ndiworo, nditọ Egypt ema etiene mmọ ke edem. Ndien Nditọ Israel ema esani ebe ke Ididuot Inyan ke utibe usu. Mme asua mmọ ema etiene mmọ ke edem; ndien ke ini nditọ Abasi ema ekesani ebe, mmoni ama oto edi editọ onyuni ofuk kpukpru nditọ Egypt. Mmọ ikenyeneke ifet ndikabare esit.

Saul ekedi akpa edidem Israel, owo emi Abasi ekemekde ndida nditọ Esie usu. Ke eritoni, enye ama ọshoro idem onyuni okop uyo Abasi, edi ke mme isua ke iso, mme idiok-nkpo esie ema ekpon emi akanamde Abasi esin enye ndidi edidem (I Samuel 15:23). Saul ama ọbọni akam ediwak ini ke oro ebete, edi Iko Abasi akanam itini ke inọ nnyin ite ke enye ama akabare esit. Edidoro ete ke imedue koro ima idu iduk ke idomo ikanyaake enye. Ke akpatre, enye ama ọduo ke ofut esie, nte nnyin ifiok ite ke enye ikedukke obio Abasi.

Mfuhọ edikpon didie ke ini anam idiok atuade eyet ke ini enye ama okodu ke ediwak isua inyuni inyimeke ndikabare esit: “Ukpeñe emebe, nda-eyo omokure, ndien ika-inyanaake nnyin” (Jeremiah 8:20).

### **Eñwoni Emi Ekeñwoni Eno Esau**

Ke ndot-ndot esit Esau, enye ama obup ete esie mme ekpri edidiọ ikosuk isuhọke inọ enye. Isaac ama ọnọ enye edidiọ emi midibighike, onyuni etini ọnọ enye ete, okposuk edi enye edinamde nkpo ọnọ eyen-eka esie ke ekpri ini, ke akade iso, ọkpono oro eyesibe ke itoni esie. Oro akada itie ke ini nditọ Edom, emi ekedide ubon Esau, ekesoni ibuo ke Judah, emi ekedide ubon Jacob (II Ndidem 8:20-22).

#### **MME MBUME**

1. Ewe ekedi eyen ima Rebekah, Jacob mme Esau?
2. Esau akanyam itie-akpan esie ọnọ nso?
3. Ke ukperedem ini, nte Esau ama atua mkpofioke ke edinam emi?
4. Nso ukpep-nkpo ke oro ekpep nnyin?
5. Anie akanam Jacob abiani ete esie?
6. Ikafani ke Jacob okosu nsu ọnọ ete esie?